



Brev dato: 26-05-2026

Uunga: Inatsisartuni ilaasortaq
Pele Broberg, Naleraq

Postboks 1614
3900 Nuuk
Tlf. (+299) 34 50 00
E-mail: nap@nanoq.gl
www.naalakkersuisut.gl

Illersornissamut pilersaarutit pillugit § 37 naapertorlugu apeqqummut nr. 090-mut akissut

Asasara Pele Broberg

Ulloq 15. Maj Inatsisartut Suleriaasianni § 37, imm. 1 naapertorlugu naalakkersuisunut apeqquteqarputit. Apeqqutit uannut akineqartussanngorlugit innersuunneqarput.

1. Naalakkersuisut ilumuunnginnerarsinnaavaat, Danmarkip Kalaallit Nunaannut upalungaarsimanissamik pilersaarutaasa ilagigaat, akornusersuiniarnermut atatillugu (nægtelsesoperation) Kalaallit Nunaanni inuinnarnut atortulersuutit unitsinnissaat, aserornissaat imaluunniit piuneerunnissaat?
2. Naalakkersuisut paasissutissiissutigisinnaavaat, Naalakkersuisut ilisimaneraat pilersaarutit taamaattut taamaallaat Nuup Kangerlussuullu mittarfiinut tunnganersut, imaluunniit mittarfiit allat, umiarsualiviit, nukissiorfiit, imeqarnermut, kiassarnermut, ikummatissaqarnermullu pilersuinerit, immap naqqatigut kabelit, paasissutissanik attaveqaatit imaluunniit inuiaqatigiinni atortulersuutit pingaarutillit allat aamma pineqarnersut?
3. Naalakkersuisut paasissutissiissutigisinnaavaat, pilersaarutit illoqarfinnut ataasiakkaanut atortulersuutinulluunniit tunngatinneqarsimanersut, imaluunniit pilersaarutit Kalaallit Nunaanni inuiaqatigiinni atortulersuutit pingaarutillit allattorsimaffiannik annertunerusumik imaqarsimanersut?
4. Naalakkersuisut ilumuunnginnerarsinnaavaat, Utoqqarmiut Kangerluarsunnguut, Nukissiorfiit nukissiorfiisa allat, upalungaarsimanermut innaallagissiorfiit imaluunniit Nuummut innaallagissamik pilersuineq sakkutuut akornusersuinissamik, unitsitsinissamik imaluunniit aserorterinissamik pilersaarutaannut ilaatinneqarsimanersut?

5. Naalakkersuisut paasissutissiissutigisinnaavaat, illersornissaqarfiup Utoqqarmiut Kangerluarsunnguanni suliasai taamaallaat paarsinermut illersuinemullu tunngasimanersut, imaluunniit Naalakkersuisut aamma atortulersuutip atorsinnaajunnaarsinneqarsinnaaneranut tunngasunik ilisimatinneqarsimanersut?
6. Naalakkersuisut ilumuunnginnerarsinnaavaat, umiarsualivinni atortulersuutit, ikummatissaqarnermut pilersuineq, immap naqqatigut kabeli, paasissutissanik attaveqaatit imaluunniit nerisassanik, nakorsaatissanik ikiuigasuarnernullu atortussanik pilersuinermi aqqutit taamaattunut sakkutuut upalungaarsimanissamik pilersaarutaannut ilaatinneqarsimanersut?
7. Naalakkersuisut paasissutissiissutigisinnaavaat, Danmarkip Naalakkersuisut ilisimatissimaneraat mittarfinnik, umiarsualivinnik, nukissiorfinnik, imeqarnermut, kiassarnermut, attaveqaatinut pilersuinemullu atortulersuutini Kalaallit Nunaanni aserorterinerup imaluunniit unitsitsinerup inuinnarnut kingunerisinnaasai pillugit, pingaartumik ukiuunerata nalaani?
8. Naalakkersuisut nalilersorsimanerlugu nunatta ilaata avammut attaveqarnerminut avissaartinneqarsimasinnaanera qanoq sivisutigisinnaanersoq ukunani; mittarfiit, umiarsualiviit, sarfamik pilersorneqarneq, kiassarnermik pilersorneqarneq, imermik pilersorneqarneq qarasaasiatigullu attaveqaqatigiinneq atorunnaarsinneqaraluarpata?
9. Naalakkersuisut napparsimasunut, utoqqarnut, meeqqanut, nunaqarfinnut, isorliunerusunut inunnullu nakorsaatissanik pisariaqartitsisunut kingunerisinnaasai nalilersorsimavaat, timmisartukkut angallassineq, inunnik qimagussuineq, pilersuineq ikiuigasuarnerillu sivisuumik unitsinneqassagaluarpata?
10. Naalakkersuisut ilisimatitsissutigisinnaassanerpaat innuttaasut ulluni tallimani imminnut pilersorsinnaanerannut innersuussinernut tunngatillugu, aamma peratarsinnaasunut assigiinngitsunut tunngatillugu, tassani atortulersuutit inuiaqatigiit pinngitsoorsinnaanngisaat qallunaat sakkutuuniit piaaraluni atorsinnaajunnaarsinneqassagaluarpata?

11. Naalakkersuisut politikikkut akuersissuteqarsimappat, akuersisimappata imaluunniit akerliliinngitsoorsimappata, qallunaat imaluunniit iligiit sakkutuuisa Kalaallit Nunaanni inuiaqatigiinni atortulersuutit unitsissinnaagaat, innarlarsinnaagaat imaluunniit aserorsinnaagaat, avataaniit nunat pissaanilissuarniit atornerqannginnissaat anguniarlugu?

12. Naalakkersuisut taamaattumik akuersissuteqarsimanngippata, Kalaallit Nunaanni inuiaqatigiinni atortulersuutit pinngitsoorneqarsinnaanngitsut aserorternerqannginnissaat, atorunnaarsinneqannginnissaat imaluunniit atorsinnaajunnaarsinneqannginnissaat pillugu, kalaallit politikikkut siumoortumik akuersitinnagit, Naalakkersuisut Danmarkip naalakkersuisuinut allakkatigut qularnaveeqqummik piumasaqaateqassappat?

13. Kalaallit innuttaannut sullissisut suut upalungaarsimanissamik pilersaarusiornernut ilaatinneqarsimappat, tamatumunnga ilanngullugit Nukissiorfiit, Tusass, Mittarfeqarfiit, Air Greenland, Royal Arctic Line, kommunit aamma upalungaarsimanermut oqartussat?

14. Naalakkersuisut isumaat malillugu, kina aningaasatigut akisussaassuseqassanersoq nutaamik sananermut, taarsiissutinut, avatangiisinik saliinermut kiisalu ingerlatsinermi annaasanut, qallunaat sakkutuuisa pilersaarutaat pissutaallutik Kalaallit Nunaanni inuiaqatigiinni atortulersuutit innarlernneqassagualarpata?

15. Naalakkersuisut isumaqarpat, Danmarkip inuiaqatigiinni atortulersuutit pinngitsoorneqarsinnaanngitsut unitsinneqarnissaannik aserorterneqarnissaannilluunniit illuinnaasiortumik pilersaarusiorsinnaanera, Namminersorlutik Oqartussat pillugit inatsisip naliigiinnermut, ataqpeqatigiinnermut aamma kalaallit inuisa nammineq aalajangiisinnaatitaanermut tunngavigisaanut naapertuuttusoq?

16. Naalakkersuisut inuiaqatigiinnut ammasumik nassuiaammik kiisalu Inatsisartuni ataatsimiititaliamut attuumassuteqartumut isertuussamik nassuiaammik saqqummiussiniarpat, Kalaallit Nunaanni atortulersuutit suut qallunaat iligiilluunniit sakkutuuinut

illersorneqarnissaannik,
aserorterneqarnissaannilluunniit
pillugit?

unitsinneqarnissaannik
pilersaarutigineqarsimanersut

17. Naalakkersuisut nassuiaasinnaappat, Naalakkersuisut
akueraarinnissimanerlutik Danmarkip nunarput illersorsinnaagaa
aatsaat nunarput kalaallinut
najugarineqarsinnaajunnaarteqqaarlugu?

Akissut:

Kalaallit innutaasut soqutigisaat isumannaatsuunerallu pillugit Naalakkersuisut sulipput. Tamanna Naalakkersuisut illersornissamut immikkoortumi iligisanik suleqateqarneranni aallaaviuvoq.

Danskit sakkutuui NATO-milu iligiit sakkutooqarnikkut saqitsaattoqartillugu Kalaallit Nunaata illersorneqarnissaanik isumannaatsuunissaanillu qulakkeerinnittuupput. Danskit sakkutuui taamaalillutik Kunngeqarfik tamakkerlugu nunamut illersornissamut pilersaarutiniq suliaqarnissamut akisussaaffeqarput, tassani aamma Kalaallit Nunaat ilanngullugu. Tamatuma saniatigut NATO-p ataani ilaatigut nunarsuup immikkoortuini illersornissamik pilersaarutiniq Iligiit sakkutooqarnikkut pilersaarusiernerannut sinaakkusiisunik pigisaqartoqarpoq. Kunngeqarfiup NATO-llu illersornissamut pilersaarutaat Iligiit akeraasa pisariaqanngitsumik paasisaqannginnissaat qulakkeerniarlugu annertoorujussuarmik isertugaapput.

Nunap illersornissamut pilersaarutaa politikikkut akuerineqarneq ajorpoq, tamatumanimi sakkutooqarnikkut pilersaarut, sakkutuut aarlerinaammik saassussinermilluunniit passussinissamik naliliinernik toqqammaveqartoq pineqarmat.

Inuiaqatigiit avataanit aarlerinaammik saassussinermilluunniit illersorneqarnissaat illersornissami pilersaarutini pingaarnertut siunertaavoq. Namminerlu innuttavut illersornissamut pilersaarutit pinaveersimatitsiniarnerannit ajornerusumik inissisimatinnngisaannarnissaat soorunami siunertaavoq.

Sungiusarnermik ingerlatat pillugit § 37-mik apeqqummut 79-mut akissutit innersuussutigineqarput.

Inussiarnersumik inuulluaqquusillunga



Múte Bourup Egede